



Ազդարարույթանի Trumpet's Sound փող

49-ԲԲ ՏՄԲ, ԱՌՏՔԱԼԻԱ
ՆՈՅՏՄԱՅԻ - ԳԵԿՏՄԱՅԻ 2018



«ԱԶԳԱՐԱՐՈՒԹԵԱՆ ՓՈՎ»
երկամսյա հոգեւոր բերք

Պատասխանատու խմբագիր՝
հովիւ Հրայ Գույունեան

ACM AUSTRALIA
PO BOX 1593,
CHATSWOOD NSW 2057
EMAIL: hkiujian@acmaust.org
URL: www.acmaust.org



Բովանդակութիւն

Սուրբ Ծնունդը՝ տալու ժամանակը . . 3
Հովիւ Հրայ Գույունեան

Ապաշխարութիւն՝ առանց
պայմաններու 7
Քաֆֆի Զափարեան

Մելքիսեդեկ կ'օրհնէ Աբրամը 8
Տոն Սրորմըր

Ածուխի կողովը 11
Քաղուած

Հրաւիրուած եք խրախճանքի 13
Ռէքս Տիրլավ

Հայ քրիստոնեական
միսիոներութիւն 15
Հովիւ Հրայ Գույունեան

Կազմի նկարը՝ Արարատ լեռ, ACM 2017թ.

ԱՍՄ-ի աղօթքի նիւթեր

Կը զովաբանենք Հօրը ամէն ինչի հա-
մար եւ կը խնդրենք ձեր աղօթքները
նոյեմբեր եւ դեկտեմբեր ամիսներուն
համար:

- Չմեռը կը մօտենայ եւ շատ երեխաներ ցուրտի պատճառով կը հիւանդանան:
- Աղօթէ՛ք, որ Տէրը ապահովէ մեր կարիքաւոր ընտանիքներու անհրաժեշտ վառելափայտի ծախսերը:
- Աղօթէ՛ք, որ Տէրը ապահովէ մեր հիւանդներու անհրաժեշտ դեղերու ծախսերը:
- Շնորհակալութիւն յայտնէ՛ք Աստուածաշունչի սերտողութեան նոր խմբակի համար, որ այդքան կարճ ժամանակին կ'աճի:
- Աղօթէ՛ք եւ յիշէ՛ք Քրիստոսով մեր ծառայակիցներուն մինչ Սուրբ Ծնունդը կը մօտենայ:
- Փառք տուէ՛ք Վանաձորի մանկա-կան եւ պատանեկան խմբակներու համար:
- Աղօթէ՛ք, որ ԱՍՄ 2019թ.-ի օրա-ցոյցները տպելու ծախսերը ժամանակին հոգացուին:

Սուրբ Ծնունդը՝ տալու ժամանակը

Այցելէ՛ք առեւտուրի կեդրոնները եւ ձեզի համար շուտով պարզ կը դառնայ, թէ եկեր է տարուայ այն ժամանակը, երբ նուէրներ կ'առնենք ու զիրար կը փոխանակենք: Մեր բնակարանները արդէն լեցուն են այնպիսի բաներով, որոնց կարիքը չունինք, սակայն երեխաները նուէրներ տալով՝ կը սիրեն զարմացնել իրենց ծնողներուն: Կաղանդ պապան կ'ուզէ նուէրներ բերել, մեծ հայրիկն ու մեծ մայրիկը շփոթուած են, եւ չեն գիտեր ինչ առնել եւ որո՞ւ համար առնել: Երբեմն մէկու մը կը մոռնանք եւ ամօթ կը զգանք, քանի որ ցանկէն դուրս մոռցած ենք: Յիսուսը բոլոր քրիստոնէականներուն կը սորվեցնէ տալու մասին՝ աղքատներուն տալու մասին: Ասիկա քրիստոնէական հիմնական վարժութիւն է:

1. «Ինք իր աչքերը դէպի իր աշակերտները վերցուց ու ըսաւ. «Երանի՛ ձեզի աղքատներուդ, վասն զի ձերն է Աստուծոյ թագաւորութիւնը: Երանի՛ ձեզի որ հիմա անօթի էք, վասն զի պիտի կըշտանաք: Երանի՛ ձեզի որ հիմա կու լաք, վասն զի պիտի խընդաք» (Լուկ. 6:20-21):

Աղքատութիւնը համաշխարհային խնդիր է, ոչ միայն աղքատներու համար, այլեւ ձեզ եւ ինձ: Ե՞րբ պէտք է օգնենք: Ինչպէ՞ս պէտք է օգնենք: Որքա՞ն պէտք է օգնենք: Յիսուս ըսաւ. «Վասն զի աղքատները ամէն ատեն ձեզի հետ ունիք»: Մենք պէտք է հոգ տանինք, մեր հացը բաժնեկցենք ու հասնինք այդպիսի կարօտեալներուն: Այս Սուրբ Ծնունդին պիտի օգնե՞ք աղքատներուն:

2. «Այն ատեն թագաւորը իր աջ կողմը եղողներուն պիտի ըսէ. «Եկէք իմ Հօրս օրհնածները, աշխարհի սկիզբէն ձեզի համար պատրաստուած թագաւորութիւնը ժառանգեցէք. Վասն զի անօթեցայ եւ ինձի ուտելիք տուիք. ծարաւեցայ ու ինձի խմցուցիք. օտարական էի, զիս ներս առիք. Մերկ էի, զիս հագուեցուցիք. հիւանդ էի, ինձի տես եկաք. բանտի մէջ էի, ինձի եկաք» (Մատթ. 25:34-36):

Տալը Երկինքէն տրուած շնորհք մըն է: Ոմանք չեն կրնար բաժնուիլ

իրենց հարստութենէն, իսկ ուրիշներ՝ երջանիկ են երբ իրենց ունեցուածքով ուրիշին կ'օգնեն: Ե՞րբ էր վերջին անգամ, երբ աղքատի մը գումար նուիրեցիք: Կը յիշեմ Միջին Արեւելքէն Աւստրալիա հաստատուած տարեց տիկնոջ մը, ով մեր եկեղեցիին կանոնաւոր յաճախողներէն մէկն էր: Օր մը պաշտամունքէն ետք մօտեցաւ ինձի՝ իր ձեռքին մէջ ունենալով խնամքով փաթթուած թաշկինակ մը, ու ըսաւ. «Ես ծեր կիւն մըն եմ, որդիիս հետ կ'ապրիմ ու եկամտաւոր աղբիւր չունիմ: Երբեմն թռռնիկներս մետաղադրամներով կը խաղան: Գորգին վրայ ահա այս մետաղադրամները գտայ»: Ան կ'ուզէր, որ վերցնէի այդ մանր մետաղադրամները, որոնք մեծ արժէք չունէին: Այդ այն ամէնն էր ինչ ունէր: Այս Սուրբ Ծնունդին պիտի օգնե՞ք աղքատներուն:

3. «Յիսուս անոր նայելով՝ սիրեց զանիկա ու ըսաւ անոր. «Մէկ բան պակաս է քեզի. գնա՛, ունեցածդ ծախէ՛, տո՛ւր աղքատներուն ու երկինքը զանձ պիտի ունենաս եւ խաչը վերցուր ու եկուր իմ ետեւէս»: Անիկա այս խօսքին համար խոժոռելով՝ տրտմած գնաց, վասն զի շատ ստացուածք ունէր» (Մարկ. 10:21-22):

Վերոյիշեալ հատուածը շատ սրտաճմլիկ պատմութիւն մըն է երիտասարդի մը մասին, ով դէմ առ դէմ հանդիպեցաւ Տէր Յիսուսին եւ հեռացաւ Անկէ՝ իր դրամասիրութեանը պատճառով: Յիսուսը իրեն չըսաւ, որ մուրացկան դառնայ կամ փողոցներուն մէջ պառկի: Յիսուսը ըսաւ, որ բաւականաչափ հարստութիւն ունի ուրիշներուն հետ բաժնեկցելու համար, եւ հետեւաբար՝ կրնար ունեցածը ծախել եւ աղքատներուն տալ: Այսօր շատ եկեղեցիներ միեւնոյն խնդիրով կը տառապին: Անոնք իրենք զիրենք կը հարստացնեն ու կ'անտեսեն աղքատներուն: Այս Սուրբ Ծնունդին պիտի օգնե՞ք աղքատներուն:

4. «Եւ Յիսուս զանձանակին քով նստած՝ կը նայէր թէ ժողովուրդը զանձանակին մէջ ինչպէս ստակ կը ձգէ: Շատ հարուստներ շատ բան ձգեցին: Աղքատ որբեւայրի մըն ալ եկաւ ու երկու լումայ ձգեց, որ նաքարակիտ մը կ'ընէ: Իր աշակերտները իրեն կանչելով՝ ըսաւ անոնց. «Ճշմարիտ կ'ըսեմ ձեզի, թէ այս աղքատ որբեւայրին զանձանակը ստակ ձգողներուն ամենէն աւելին ձգեց. Վասն զի ամէնքը իրենց աւելցածէն ձգեցին, բայց ասիկա իր չքաւորութենէն՝ ունեցածին բոլորը ձգեց՝ իր բոլոր ապրուստը» (Մարկ. 12:41-44):

Աստուած թերեւս մեր ամէն ունեցածը չպահանջէ, բայց Ան կը պահանջէ մեր լուսագոյնը ընել ուրիշներուն օգնելու համար: Մենք համապատասխան վարձք պիտի ստանանք, որքան աւելի շատ տանք, այնքան աւելի շատ պիտի ստանանք, թէ՛ երկրի վրայ եւ թէ՛ Երկինքի մէջ: Այս Սուրբ Ծնունդին պիտի օգնե՞ք աղքատներուն:

5. «Զինք հրաւիրողին ալ ըսաւ. «Երբ ճաշ կամ ընթրիք կ'ընես, մի՛ կանչեր քու բարեկամներդ, ո՛չ ալ քու եղբայրներդ եւ ո՛չ քու ազգականներդ, ո՛չ քու հարուստ դրացիներդ, որ չըլլայ թէ անոնք ալ փոխարէնը քեզ հրաւիրեն ու քեզի հատուցում ըլլայ: Հապա երբ հացկերոյթ կ'ընես՝ աղքատներ, պակասատրներ, կաղեր ու կոյրեր հրաւիրէ ու երանելի պիտի ըլլաս, վասն զի անոնք չեն կրնար փոխարէնը քեզի հատուցանել. քանզի արդարներուն յարութիւն առած ատենը փոխարէնը քեզի պիտի հատուցուի» (Լուկ. 14:12-14):

Աղքատներուն օգնելը տարբեր ձեւերով կրնայ ըլլալ: ԱՄՄ-ն Հայաստանի մէջ իր ծառայութեան տարիներու փորձի շնորհիւ գտած է, որ կարիքները բազմազան են. բժշկական օգնութիւն, ձմեռուայ վառելափայտ, սննդամթերք, նոր տարուայ նուէրներ կարիքաւոր երեխաներուն եւ այլն: Այս Սուրբ Ծնունդին պիտի օգնե՞ք աղքատներուն:

6. «Հարուստ մարդ մը կար, որ ծիրանի ու բեհեզ կը հագներ եւ ամէն օր փառատրապէս ուրախութիւն կ'ըներ: Ղազարոս անունով աղքատ մըն ալ կար վերքերով լեցուն, որ անոր դրանը առջեւ դրուած էր: Ան կը փափաքէր հարուստին սեղանէն ինկած փրշրանքներէն իր փորը լեցնել: Շուները կու գային եւ անոր վերքերը կը լզէին: Աղքատը մեռաւ ու հրեշտակները Աբրահամի գոգը տարին զանիկա: Հարուստն ալ մեռաւ ու թաղուեցաւ: Երբ դժոխքը՝ տանջանքի մէջ էր հարուստը՝ իր աչքերը վերցնելով հեռուէն տեսաւ Աբրահամը ու Ղազարոսը անոր գոգը հանգիստ նստած: Այն ատեն աղաղակեց ու ըսաւ. «Հա՛յր Աբրահամ, ողորմէ՛ ինծի ու դրկէ՛ Ղազարոսը, որպէս զի իր մատին ծայրը ջուրը թաթխէ ու զովացնէ իմ լեզուս, վասն զի այս բոցին մէջ կը տանջուիմ»: Աբրահամ ըսաւ. «Ո՛րդեակ, միտքդ բեր, որ դուն քու կեանքիդ մէջ քու բարիքներդ առիր, նոյնպէս Ղազարոս՝ չարիքներ. հիմա անիկա հոս կը մխիթարուի ու դուն կը տանջուիս»» (Լուկ. 16:19-25):

Անշուշտ, կրնաք ձեր գրպանի փշրանքները տալ. շատ աղքատներ կան, որոնք կրնան օգտուիլ աստուծոյ: Անոնք պիտի օրհնեն ձեզ ու Աստուած պիտի վարձատրէ ձեզ. եթէ այս Սուրբ Ծնունդին աղքատներուն օգնեք:

7. «Առակ մըն ալ խօսեցաւ անոնց՝ ըսելով. «Հարուստ մարդու մը արտերը առատ բերքեր տուին: Ան կը մտածէր ինքնիրեն ու կ'ըսէր. «Ի՞նչ ընեմ, վասն զի տեղ չունիմ, ուր իմ բերքերս ժողվեմ»: Եւ ըսաւ. «Իմ ամբարներս քակեմ ա՛լ աւելի մեծը շինեմ եւ հոն ժողվեմ իմ բոլոր բերքերս ու բարիքներս». եւ իմ անձիս ըսեմ. «Ո՛վ անձս, շատ բարիքներ ունիս շատ տարիներու համար ժողվուած. հանգչէ՛, կե՛ր, խմէ՛ եւ ուրախ եղի՛ր»: Բայց Աստուած ըսաւ անոր. «Անմի՛տ, այս զիշեր հոգիդ քեզմէ պիտի պահանջուի. ուստի այն քու պատրաստած բաներդ որո՞ւ պիտի ըլլան»: Այսպէս է անիկա, որ իր անձին համար գանձ կը դիզէ, բայց Աստուծոյ չի հարստանար» (Գուկ. 12:16-21):

Աստուած Իր լաւագոյնը տուաւ Իր միածին Որդին աշխարհ ուղարկելով՝ Տէր Յիսուս Քրիստոսը: Սուրբ Ծնունդի ամբողջ իմաստը կը կայանայ Աստուծոյ՝ Իր Որդին մարդկութեան փրկութեան համար աշխարհ ուղարկելու մէջ: Աստուած չերկմտեց, Ան սիրեց մեզ, երբ դեռ մեղաւոր էինք: Մարդկութեան փրկութեան համար մեր Տէրը չյապաղեց Իր կեանքը տալու, Երկինքի փառքը ձգելու: Ան ծնաւ մտորի մէջ, թողնելով Երկինքի ողջ փառքը:

Արդեօք քու սիրտդ Յիսուսին պիտի տա՞ս այս Սուրբ Ծնունդին: Կուգե՞ս դառնալ Իր զաւակը:

ԱՄՄ-ի եւ «Ազդարարութեան փող»-ի ծառայակիցներու անունով կը մաղթենք մեր ընթերցողներուն օրհնեալ Սուրբ Ծնունդ եւ Նոր տարի: Թող Աստուած օրհնէ ձեզ:

Հ. Գ.

Եթէ կը փափաքիք նուիրաբերել աղքատներուն եւ Հայաստանի երեխաներուն, մեզ հետ կապ հաստատեք հետեւեալ իմէյլով՝ info@acmaust.org: Կրնաք նաեւ նուիրաբերել www.acmaust.org կայքէջի միջոցով: Աստուած կը սիրէ ուրախութեամբ տուողին:

Ապաշխարութիւն՝ առանց պայմաններու

«Ես կ'ուզեմ փրկուիլ, բայց չեմ կրնար», «Ես կ'ուզեմ Յիսուսին դառնալ, բայց այնքա՛ն դժուար է»: Երբեւէ լսա՞ծ էք ուրիշներու այսպէս արտայայտուիլը: Հաւանաբար դուն ալ նման խօսքեր ըսած ես: Կ'ուզես փրկուիլ, բայց կը մտածես, թէ շատ դժուար է: Շատ մարդիկ իսկապէս գիտեն, թէ փրկուելու համար Քրիստոսի կարիքն ունին: Այնուամենայնիւ, կը մտածեն, թէ իրենց համար անհնար է փրկուիլը:

Պատճառն այն է, որ մարդիկ կը մտածեն, թէ փրկուելու համար պէտք է մաքրեն իրենք իրենց նախքան փրկութեան համար Քրիստոսին դիմելը: Այդպէս մտածելու յաճախ այսպիսի պատճառներ կը ներկայացնեն, վատ սովորութիւններ, ծխախոտի, մոլախաղերի, վատ բերանի եւ նման բաներու կախումածութիւններ, եւ ուստի կը խորհին թէ չեն կրնար փրկուիլ:

Երկու շաբաթ առաջ նման մարդու հետ կը գրուցէի. արցունքներն աչքերուն ըսաւ, թէ կ'ուզէ փրկուիլ, բայց չէր կրնար դադրեցնել ծխելու սովորութիւնը: Թոյլ տուէք ըսել ձեզի, որ փրկութիւնը միայն հաւատքի միջոցով է: Հաւատք Քրիստոս Յիսուսի հանդէպ: Այն ինչ-որ բան ընելով կամ չընելով չէ: Անձը փրկութիւն կը ստանայ միայն Քրիստոսին հաւատալով:

Կը տեսնե՞ք, ոչինչ չկայ, որ դուք եւ ես կրնանք ընել, որպէսզի փրկուինք: Փրկուելու համար պէտք է միայն Յիսուս Քրիստոսին հաւատանք, խաչի վրայ Իր կատարած գործի համար: Հետեւաբար այն մեր գործերէն կախեալ չէ: Այն մեր վատ սովորութիւնները դադրեցնելու միջոցով չէ: Այն լաւ սովորութիւններ ձեռք բերելով չէ: Այն բարի մարդ ըլլալով չէ: Այն միայն Յիսուս Քրիստոսին հաւատալով է՝ այն աշխատանքի համար, որ Ան մեզ համար կատարեց Գողգոթայի խաչին վրայ:

Երբ բազմութիւնը Պետրոսին հարցուց, թէ փրկուելու համար ինչ պէտք է ընել, Պետրոսը պատասխանեց. «Հաւատացէ՛ք Յիսուս Քրիստոսին»: Եթէ թերեւս նոյն հարցը կուտաս, պատասխանը շատ պարզ է. «Հաւատա՛ Յիսուս Քրիստոսին»: Եւ դուք կը փրկուիք:

Մեկքիսեդեկ կ'օրինէ Աբրահմը

Կարդացէ՛ք Ծննդոց 14-րդ գլուխը

Աբրահամի եւ Դավտի միջեւ հակադրութիւնը կը շարունակուի: Դավտի խնդիրները աւելի շատցան փոխանակ քիչնալու: Ան թերեւս մտածեց, որ Յորդանանի հովիտ տեղափոխուիլը իր կեանքը պիտի հեշտացնէր, եւ այլեւս ստիպուած պիտի չ'ըլլար միջամտելու իր հովիւներու եւ իր հօրեղբօր Աբրահամի հովիւներու միջեւ ծագած վեճերուն մէջ: Բայց ան սկսաւ Սողոմնի աւելի մօտ ըլլալ, մինչեւ որ վերջապէս բնակութիւն հաստատեց այնտեղ: Այդ ժամանակ էր, որ խնդիրները իսկապէս սկսեցան:

Յորդանանի հովիտի մի քանի թագաւորներ տուրք կուտային Արեւելքի թագաւորի մը: Անոնք 12 տարի շարունակ այդպէս ըրին եւ 13-րդ տարին ապստամբեցան: 14-րդ տարին Արեւելքի չորս թագաւորներ յարձակեցան մեծ տարածքի մը վրայ, որպէսզի վերականգնեն իրենց կորսնցուցած վերահսկողութիւնը եւ ամրացնեն իրենց դիրքերը իրենց հարկատու դարձնող թագաւորի նկատմամբ: Ծննդոց 14-րդ գլուխը պատերազմի մանրամասները կը ներկայացնէ: Սողոմնի եւ Գոմորի թագաւորները իրենց տարածքները պաշտպանելու ժամանակ խայտառակ պարտութիւն կրեցին: Չնայած որ անոնց զինուորները պետք է տարածքը լաւ ճանչնային, սակայն կը տեսնենք որ անոնք ինկան նաւթով լեցուն հորերի մէջ, որը բաւական շատ էր այդտեղ: Արեւելքի թագաւորները Սողոմնի ու Գոմորի բոլոր ունեցածնին ու անոնց բոլոր պաշարները առին ու գացին, ներառեալ՝ մարդկանց:

Մարտի դաշտէն փախած փախստական մը գնաց Աբրահամին, որպէսզի հաղորդէր իր եղբօրորդի Դավտի գերութեան լուրը: Այստեղ կը տեսնենք Աբրահամի հոգածութեան լաւագոյն դրսեւորումը: Աբրահամի փոխարէն ուրիշ մարդ եթէ ըլլար, հաւանաբար մտածէր թէ այլեւս ոչինչ չկար ընելու: Ինքը ո՞վ է, որ համարձակուի յարձակիլ յաղթող թագաւորներու վրայ, յատկապէս Արեւելքի թագաւորներուն: Բացի այդ, չէ՞ որ Դավտը ինքը ընտրեց այդ ճանապարհը: Ան տեսաւ Յորդանանի հովիտը եւ որոշեց այնտեղ ապրիլ: Եթէ ինչ-որ բան սխալ ընթացք ստացաւ, ապա ատոր պատճառը սխալ որոշման հետեւանքն էր: Բայց

Աբրահամը երբեք այդպէս չմտածեց:

Աբրահամը հաւաքեց աւելի քան 300 կրթուած ծառաներ: Ասիկա ցոյց կուտայ Աբրահամի կազմակերպչական բարձր հմտութիւնը, ինչպէս նաեւ հեռատեսութիւնը, որ նախքան որեւէ անակնկալ իրադարձութեան հանդիպելը կարգադրութիւններ տեսած էր: Աբրահամը նման զօրքի համար առնուազն երեք կամ չորս հրամանատարի կարիք կունենար: Այս տղամարդկանց կրթելու համար անհրաժեշտ էր հմտութիւն ու գիտելիք: Չէնք ունենալն ու կարճ ժամանակուայ մէջ մարդկանց զինելը կը վկայեն Աբրահամի խորաթափանցութեան, կարողութեան ու նախապատրաստութեան մասին:

Աբրահամը իր ռազմավարական հմտութիւնները ցոյց տուաւ, երբ իր մարդկանց առաջնորդեց պատերազմին մէջ: Ան իր զօրքը գունդ գունդ բաժնեց եւ զիշերով յարձակեցաւ թշնամու վրայ ու զարկին զանոնք եւ քշեցին մինչեւ Քոբա, որ Դամասկոսի հիւսիսային կողմն է: Աբրահամը ետ բերաւ բոլոր բարիքը, եւ նաեւ իր ազգականին՝ Դովտին եւ իր ունեցուածքին, նաեւ կանանց եւ միւս մարդկանց:

Աբրահամը յաղթանակ տարաւ իրմէ աւելի մեծ բանակի դէմ: Երբ կը մտածենք մեր առջեւ դրուած փորձութեան մասին, երկու հնարատր վտանգներ հաշուի կ'առնենք: Մէկ կողմէն, Աբրահամը կրնար ֆիզիկապէս սպառուած ու խոցելի ըլլար, իսկ միւս կողմէն կրնար շատ աւելի ինքնավստահ ըլլալ իր յաջողութեան համար եւ խոցելի ըլլալ որեւէ փորձութեան ժամանակ: Բայց Աստուած նախապատրաստեց իրեն գալիք փորձութեան համար, ուղարկելով քահանա-թագաւոր Մելքիսեդեկին, նախքան Սողոմի թագաւորին հանդիպելը:

Մելքիսեդեկը, բարձրեալ Աստուծոյ քահանան եւ Սաղէմի թագաւորը հացով ու զինիով դուրս եկաւ Աբրահամը դիմաւորելու: Նէեմ. 5:15-էն կը հասկնանք, թէ հացը եւ զինին թագաւորին վճարուած հարկի տեսակ էր: Այստեղ թագաւորը հացն ու զինին Աբրահամին տուաւ: Միեւնոյն ժամանակ, թագաւոր-քահանան օրհնեց Աբրահամին, որպէս երկինքի ու երկրի տիրոջ՝ բարձրեալ Աստուծոյ ծառայ: Աբրահամը զօրութիւն ստացաւ գալիք փորձութեան համար: Միեւնոյն ժամանակ Մելքիսեդեկը գովաբանեց Աստուծոյ՝ Աբրահամի թշնամիներուն անոր ձեռքը մատնելու համար:

Երբ Սողոմի թագաւորը Աբրահամին առաջարկեց իրեն միայն մարդ-

կանց վերադարձնել, իսկ բարիքները իրեն պահել, Աբրահամը պատրաստ էր դիմակայել այդ փորձութեանը: Աբրահամի կտրուկ ու յստակ պատասխանը կ'արտացոլէ Մելքիսեդեկի օրհնութեան մեծութիւնը, երբ ան ըսաւ, թէ երկինքի ու երկրի տէրը եղող բարձրեալ Աստուծոյ բարձրացուց իր ձեռքերը, եւ որ Սողոմի թագաւորին պատկանող դերձանէ մինչեւ կօշիկի կապ պիտի չ'առնէ, որպէսզի ան չ'ըսէ թէ Աբրահամին ինքը հարստացուց:

Բոլորիս կեանքին մէջ փորձութեան ժամանակներ կուգան: Եթէ կուզենք հաստատուն կենալ, ապա կարիք ունինք մեր մեծ Քահանայապետի ծառայութեանը: Մենք քահանայապետ մը ունինք, ով կը հասկընայ մեզ ու մեր կարիքները՝ Յիսուսը, Աստուծոյ Որդին: Եբրայեցիներին ուղղուած նամակի հեղինակը Յիսուսին նման տիտղոսով ներկայացնելը մեր ուշադրութիւնը Քահանայապետի բնութեան վրայ հրավիրելն է, քանի որ Յիսուս անունը այն անունն էր որ Իրեն տրուեցաւ, երբ մարդ դարձաւ. Աստուծոյ Որդի տիտղոսը ի յախտենից Իրեն տրուած տիտղոսն է: Տէր Յիսուսը մարդ դարձաւ եւ փորձառեց բոլոր այն բաները, որոնք յատուկ են մարդկանց: Ան փորձուեցաւ ամէն կերպ, բայց մեղք չգործեց: Այս ամէնը կը նշանակէ, թէ Ան գիտէ այն ամէնը ինչ կը զգանք, բայց քանի որ Ան Աստուած է, Ան ունի մեծ զօրութիւն օգնելու մեզ, երբ փորձութիւններ կը դիմագրաւենք: Ուստի ա՛լ համարձակութիւնով մօտենանք շնորհաց աթոռին, որպէս զի ողորմութիւն ընդունինք ու շնորհք գտնենք պէտք եղած ատեն մեզի օգնելու:

Մելքիսեդեկը հանդիպեց Աբրահամին, երբ Աբրահամը գաղափար անգամ չունէր թէ ինչի պիտի հանդիպէր: Աստուծոյ քահանայապետը այնտեղ էր, նախքան փորձութիւնը դիմագրաւելը: Մենք երախտապարտ կարող ենք ըլլալ, որ մեր Քահանայապետը գիտէ մեր դժուարութիւններու արդիւնքը, նոյնիսկ նախքան ատոնց հանդիպիլը: Ան միշտ պատրաստ է օգնելու: Բայց երկու հարցեր կան, որոնք պէտք է ինքներս մեզ հարցնենք: Արդեօք երբ դժուարութիւններու կը հանդիպինք կը դիմե՞նք Իրեն, թէ՞ կը փորձենք ինքներս կարգաւորել՝ առանց մեր Քահանայապետի օգնութեան:

Մենք մեծ Քահանայապետ մը ունինք, ով մեր փոխարէն կը ներկայանայ Աստուծոյ առջեւ: Եկե՛ք մօտենանք Իրեն եւ խոնարհաբար փնտռենք Իր պաշտպանութիւնն ու առաջնորդութիւնը:

Ածուխի կողովը

Կը պատմուի թէ ծերունի մարդ մը, իր թռռան հետ Քէնթաքի նահանգին լեռնակողմը ազարակի մը մէջ կ'ապրէր: Ամէն առտու, մեծ հայրիկը կանուխ կ'արթննար եւ խոհանոցի սեղանին առջեւ նըստած, իր մաշած Սուրբ Գիրքը կը կարդար: Թռռնիկը կ'ուզէր ճիշտ մեծ հօր նմանիլ, ուստի ինք ալ նոյնը կ'ընէր:

Օր մը, պատանին հարցուց. «Մեծ հայրիկ, կը ջանամ Սուրբ Գիրքը կարդալ քեզի պէս, բայց չեմ հասկնար եւ կարդացածս կը մոռնամ: Ի՞նչ օգուտ է Աստուածաշունչ կարդալս»:

Ծերունին կամաց մը դարձաւ վառարանին առջեւէն ուր ածուխ կը դնէր եւ ըսաւ. «Տղա՛ս, առ այս ածուխի կողովը եւ գետափէն կողով մը ջուր բեր ինձի»: Թռռնիկը կատարեց մեծ հօր պատուէրը, բայց մինչեւ տուն հասնի բոլոր ջուրը անհետացաւ կողովին մէջէն: Մեծ հայրը խնդաց եւ ըսաւ. «Յաջորդ անգամ աւելի արագ շարժելու ես» ու ետ դրկեց զինք որ դարձեալ փորձէ:

Այս անգամ տղան աւելի արագ վազեց, բայց սպարդիւն: Շունչը կտրած ըսաւ մեծ հօրը. «Անկարելի է կողովով ջուր բերել» եւ գնաց սափոր մը առաւ: «Սափոր մը ջուր չէ ուզածս, այլ կողով մը» կրկնեց իմաստուն ծերունին: «Կրնաս ընել: Չեմ կարծեր որ պէտք եղածին չափ ջանք կը թափես»: Եւ դրան առջեւ կեցաւ մինչ թռռնիկը դարձեալ դրկեց գետափ: Թէեւ տղան գիտէր որ անկարելի է կողովով ջուր փոխադրել, բայց մեծ հօր սիրոյն նորէն փորձեց: Սակայն մինչեւ տուն հասնի, բոլոր ջուրը կողովի ծակտիքներէն թափած էր: Հեալով մօտեցաւ մեծ հօր եւ ըսաւ. «Տեսա՞ր, անօգուտ է»:

«Ուրեմն համոզուա՞ծ ես որ անօգուտ էր ըրածդ: Նայէ՛ կողովին»:

Երբ տղան նայեցաւ, առաջին անգամ ըլլալով նշմարեց տարբերութիւնը: Մրոտած աղտոտ ածուխի կողովը մաքրուած էր:

«Տղա՛ս, նոյնպէս կ'ըլլայ երբ Աստուծոյ Խօսքը կարդաս: Կրնայ ըլլալ որ չես հասկնար կամ ամէն բան չես յիշէր, բայց Ան քեզ ներսէն դուրս կը մաքրէ ու կը փոխէ»:

Այս է Աստուծոյ գործը մեր կեանքերուն մէջ: Ան մեզ ներսէն դէպի դուրս կը փոխէ եւ կամաց կամաց կը յեղաշրջէ, որ Իր Որդոյն՝ Յիսուս Քրիստոսի նմանինք: Ժամանակ յատկացուր ամէն օր Աստուծոյ Խօսքը կարդալու, սերտելու եւ խոկալու Անոր մասին, նաեւ շուրջիններուդ ալ նոյնը թելադրէ, քանի որ «Աստուած այնպէս սիրեց աշխարհը, մինչեւ Իր միածին Որդին տուաւ, որպէսզի Անոր հաւատալով չկորսուինք հապա յաիտենական կեանք ունենանք»:

Արդեօք որքա՞ն ժամանակ կը յատկացնես Աստուածաշունչդ կարդալու: Խիստ օգտակար է, որ մենք մեզ աստուածապաշտութեան վարժեցնենք: Ամէն:

«Բոլոր գիրքը Աստուծոյ շունչն է եւ օգտակար է սորվեցնելու, յանդիմանելու, շտկելու եւ արդարութեան մէջ խրատելու համար» (Բ Տիմ. 3:16):

Քաղուած՝ «Օրհնաբեր նոնենին» գիրքէն



Այն տեղը հովիւներ կային դաշտին մէջ կեցած,
որոնք իրենց հօտերուն գիշերուան պահպանութիւնը կ'ընէին:
Ահա Տէրոջը հրեշտակը անոնց վրայ իջաւ ու Տէրոջը փառքը
անոնց բոլորտիքը ծագեցաւ ու խիստ շատ վախցան: Բայց
հրեշտակը ըսաւ անոնց. «Մի՛ վախնաք, վասն զի ահա ես ձեզի մեծ
ուրախութեան աւետիս մը կու տամ, որ բոլոր ժողովուրդին պիտի
ըլլայ: Վասն զի այսօր Փրկիչ մը ծնաւ Դաւիթին քաղաքին մէջ, որ
Օծեալ Տէր է: Եւ այս ձեզի նշան մը ըլլայ՝ մանուկ մը պիտի գտնէք
խանձարուրով փաթթուած ու մսուրի մէջ պառկած»: Իսկոյն
այն հրեշտակին հետ երկնային զօրքերու բազմութիւն
մը եղաւ, որոնք Աստուած կ'օրհնէին ու կ'ըսէին. «Երկնքի
բարձրութեան մէջ Աստուծոյ փառք, երկրի վրայ
խաղաղութիւն, մարդոց մէջ հաճութիւն»:

Դուկաս 2:8-14

Հրաւիրուած եք խրախճանքի

Ինչպէ՞ս կ'արձագանքէիք, եթէ Աստուած ձեզի խրախճանքի հրաւիրէր: Եթէ կը մտածէք, թէ խորթ է այն միտքը, որ Աստուած կը սիրէ խրախճանքը, ուրեմն եկէ՛ք այն տօնախմբութիւն անուանենք: Եթէ Աստուած ձեզի տօնախմբութեան հրաւիրէր, արդեօք կ'ընդունէի՞ք հրաւերը: Խրախճանքները, տօնակատարութիւնները եւ խնջոյքները կարծես հեռու չեն Աստուծոյ սրտէն: Ակնյայտ է, որ Ան կը սիրէ տօնակատարութիւնները: Քրիստոսը պատմեց տօներու մասին, եւ Անձամբ մասնակցեցաւ եւ ուրախութիւն բերաւ երիտասարդ զոյգի մը՝ անոնց երեկոյթը դարձնելով անմոռանալի իրադարձութեան մը: «Սեղանապետը երբ գինի դարձած ջուրին համը առաւ...» (Յովհ. 2:9): Անառակ որդիի պատմութեան մէջ կը տեսնենք Հայր Աստուծոյ խորհրդապատկերը, ով ասագ որդուն կը հրաւիրէ տուն՝ խրախճանքին մասնակցելու համար: «Ուրախ ըլլանք...» (Դուկ. 15:23): Նաեւ չմոռնանք Գառնուկի հարսանիքի ընթրիքի մասին. կը խորհիմ թէ, այն այնպիսի իրադարձութիւն մըն է, որուն Աստուած անհամբերութեամբ կը սպասէ: «Երանելի են անոնք, որ Գառնուկին հարսանիքին ընթրիքին կանչուած են» (Յայտ. 19:9):

Կը զարմանամ, թէ ինչու համար մարդիկ կը մերժեն Աստուծոյ տօնակատարութիւններու հրաւերը, յատկապէս երբ անոնք յատուկ կերպով հրաւիրուած են: Դուք կրնաք տեսնել այս միտքը արտացոլուած Քրիստոսի առակներուն մէջ, եւ նոյնիսկ այսօր, Գառնուկի հարսանիքի ընթրիքի տօնակատարութեանը մասնակցիլը կարծես թէ փափաքելի եռանդ չի առաջացներ շատերու մէջ: Կը խորհիմ թէ, եթէ Աստուած է տօնակատարութիւնը կազմակերպողը, ուրեմն հաստատ այն շատ յիշարժան պիտի ըլլայ: Կարծես թէ իւրօրինակութիւն մը կայ. Աստուած կ'ուզէ տօնախմբութիւն ընել, բայց մենք չենք ուզեր մասնակցիլ: Ինչո՞ւ է այդպէս:

Այս խնդիրը ցայտուն կերպով նկարագրուած է անառակ որդիի հօր կերպարին մէջ: Տեսէ՛ք, թէ ինչպէս ան կրտսեր որդիի տուն դարձի տօնակատարութեան ուրախութիւնը թողելով դուրս կուգայ, դառնացած ասագ որդիին աղաչելու ներս մտնել եւ միասին խրախճանքը վայելել:

Հայրը մտահոգուած էր աւագ որդիի համար, քանի որ ան ուրախութիւն չունէր իր սրտին մէջ: Երբեմն կը խորհիմ, թէ մեզմէ ոմանք աւագ եղբոր պէս կը տառապին անհանդուրժող ու տրտնջացող կեցուածքէ մը: Երբ երկրպագութեան համար միասին կը հաւաքուինք, Աստուած կը հրաւիրէ մեզ տօնելու մեր տուն վերադարձը, եւ նաեւ Իր առատաձեռնութիւնը: Բայց կան ժամանակներ, երբ կարծես թէ չենք ուզեր միանալ տօնակատարութեանը, երկրպագութեանը: Ի՞նչն է նման վերաբերմունքի պատճառը: Ի՞նչն է սխալը: Ինչո՞ւ համար աւագ որդին չուզեց միանալ տօնակատարութեանը: Լսէ՛ք հօրն ուղղուած կրակոտ խօսքերը, որոնք կ'արտացոլեն իր սրտի մէջ տարիներով դիզուած խորը վրդովմունքը. «Ահա այսչափ տարի է, որ քեզի կը ծառայեմ ու բնաւ քու խօսքէդ դուրս չելայ ու ինծի երբեք ոչ մը չտուիր, որ իմ բարեկամներուս հետ ուրախութիւն ընէի» (Գուկ. 15:29): Այլ խօսքով՝ «Ես այնքան շատ բան ըրած եմ քեզի համար, դուն ինծի պարտական ես»:

Աստուծոյ երկար տարիներով ծառայած քրիստոնէաներ իրենց սրտի մութ անկիւններուն մէջ հնարատր է, որ նոյն մտքերը ունենան, նոյնիսկ չգիտակցելով այն: Ուստի, սրտանց եւ ուրախութեամբ տօնակատարութիւն եւ երկրպագութիւն ընելու փափաքը կը մարի իրենց մէջ: Հայրն ու աւագ որդին շատ տարբեր լեզուներով կը խօսէին: Աւագ որդին զայրոյթով կը խօսի իր ըրածներու մասին, եւ թէ հայրը ինչեր է իրեն պարտք: Ասիկա իրաւական պայմանագիր կազմողի լեզուն է, որուն մէջ ան կը զգայ թէ իր իրաւունքը կերած են: Ան կը կարծէր, թէ իր կատարածները իրեն որոշակի իրաւունքներ արտօնած են: Այսպիսի մտածելակերպով ան երբեք պիտի չկրնայ վայելել տօնակատարութիւնը: Այս վերաբերմունքը կը սպաննէ տօնակատարութեան եւ երկրպագութեան հոգին: Հայրը կը խօսի շնորհքի լեզուով: Ան կը խուսափի պայմանագրերու, իրաւունքներու եւ պարտականութիւններու լեզուով խօսիլը, փոխարէնը շնորհքի ու սիրոյ լեզուով կ'ըսէ. «Դուն միշտ ինծի հետ ես ու իմ բոլոր ունեցածս քուկդ է» (Գուկ. 15:31): Այս տխուր որդին ինչ շահեցաւ կամ ինչ կորսնցուց այդքան ալ կարեւոր չէ. կարեւոր է տեսնել հօր բարութիւնն ու առատաձեռնութիւնը:

Երբ կը հասկնանք, որ այդ ամէնը կարեւոր է, ուրախութեամբ կը միանանք Աստուծոյ «տօնակատարութիւններուն» եւ ուրախութեամբ կ'երկրպագենք զինք:

Ռէքս Տիրլաւ

Հայ քրիստոնէական միսիոներութիւն

«Եթէ Տէրը չշինէ տունը, զուր տեղ կ'աշխատին անոր շինողները: Եթէ Տէրը չպահպանէ քաղաքը, զուր տեղ կը հսկեն պահապանները» (Սաղ. 127:1):

Դաւիթը թագաւոր էր, ով գիտեր, որ իր ուժերէն առաւել Աստուծոյ օգնութեան կարիքն ունի: Իր բոլոր բանակի եւ պահակագործի հետ մէկտեղ ան գիտեր, որ եթէ Տէրը չպահպանէ քաղաքը, զուր տեղ կը հսկեն պահապանները:

Մենք արդէն քսան տարի է կը ծառայենք Հայաստանի մէջ, որպէս միսիոներական ծառայութիւն: Երբ ծառայութիւնը սկսանք մենք գանձանակ չունէինք, ֆինանսական միջոցներ չունէինք, փորձառութիւն չունէինք, եւ չէինք գիտեր մեզ ինչ կը սպասէ: Հայաստանի բնակչութեան 30%-ը աղքատութեան մէջ կ'ապրի: Նոյնիսկ հիմա, շատ մարդիկ կ'ապրին մետաղական տնակներու մէջ -35°C աստիճանի պայմաններուն մէջ, առանց ջեռուցման:

Եթէ Տէրը չ'ապահովէր, մենք ոչ մէկ միջոց ունէինք հիւանդ ու քաղցած երեխաներուն օգնելու: Մենք հաւատարմաբար աղօթեցինք եւ մեր աղօթքները պատասխանուեցան: Տէրը հաւատարիմ է Իր բոլոր զաւակներուն: Այսօր զարմացած կը մնանք Հայաստանի մէջ Տէրոջը կատարած գործերուն, որու մէջ ընդգրկուած են ԱՍՄ-ի եօթ աշխատակիցներ եւ շատ կամաւորներ:

Մեր խնամքի տակ ունենալով 90 ընտանիքներ, Աստուծոյ Խօսքը կը հասցնենք շուրջ 300 անձի: Բայց այդ մենք չէ, այլ Անոր հաւատարմութիւնն է ու շատերու աղօթքներու պատասխանը, որ այսքանի կը հասնինք:

Մենք կը գոհանանք Տէրոջմէ տարուայ ընթացքին կատարուած բժշկական յաջող գործողութիւններուն համար: Մենք Անոր փառք կուտանք, որ մեր աշխատակիցներուն ապահով պահեց, մինչ անոնք հազարաւոր մղոններ մեքենայ կը վառեն ամռանն ու ձմռանը: Մենք շնորհակալ ենք Անոր, որ շատեր դարձի եկան ու ջրային մկրտութեամբ Տէրոջը հետ ուխտի մէջ մտան: Մենք փառք կուտանք Անոր երեխա-



ԱՄՄ-ի 20 ամենակի տոնակատարությունը Երեւանի մէջ

ներու եւ պատանհներու ծառայութեան համար, Աստուածաշունչի սերտողութեան խումբերու եւ ուղղերեւոյ ծառայութեան համար:

Առիթն օգտուելով կ'ուզենք մեր շնորհակալութիւնը յայտնել մեր աջակիցներուն, հովանաւորներուն, բազմաթիւ եկեղեցիներուն, ովքեր կանգնեցին մեր կողքին, Սիսնէյի եւ ԱՄՆ-ի շատ կամաւորներուն, եւ անոնց, որոնք միացան մեզ 2018 թ-ի միսիոներական առաքելութեան ժամանակ: Մենք շնորհակալութիւն կը յայտնենք անոնց, որոնք աղօթեցին եւ նուիրաբերեցին ծառայութեանը, մեզ հետ լացին եւ Զրիստոսի սերը ցուցաբերեցին Հայաստանի ամենաաղքատ ժողովուրդին:

Կը խնդրենք ձեր աղօթքներուն մէջ յիշէք անոնց, քանի որ ջերմաստիճանը կ'իջնէ մինչեւ -30°C :

Թող Հայր Աստուծոյ խաղաղութիւնն ու սերը ձեզ հետ ըլլայ:

ԱՄՄ-ի վարչութիւնը կը մաղթէ ձեզ օրհնեալ Սուրբ Ծնունդ եւ ուրախ Նոր տարի: